

Mawlana Shaykh Muhammad Adil ar-Rabbani

EK MOMIN KABHI NUQSAN NAHI PAHOCHATA

*As-Salāmu ‘Alaykum wa RaḥmatuLlāhi wa Barakātuh.
A‘ūdhu BiLlāhi Minash-shayṭāni r-rajīm. BismiLlāhi r-Raḥmāni r-Raḥīm.
Wa ṣ-Salātu wa s-Salāmu ‘alā Rasūlinā Muḥammadin Sayyidi l-Awwalīna wa l-Akhirīn.
Madad yā RasūlAllāh, Madad yā Sādāti Aṣḥābi RasūliLlāh, Madad yā Mashāyikhinā,
Dastūr Mawlana Sheikh Abdullāh al-Fā’iz ad-Dāghistāni, Sheikh Muḥammad Nazīm
al-Haqqānī. Madad. Tarīqatunā aṣ-Suḥbah wa l-Khayru fi l-Jam‘iyyah.*

Humaare Rasool ṣallā Llāhu ‘alayhi wa-sallam farmate hain, “Momin kabhi bhi kisi ko koi nuqsaan nahi pahochata, aur badla bhi nahi leta;” woh kisi ko kabhi koi takleef nahi deta. Momin ki fitrat aur khaasiyat yeh hai ke woh nek kaam karta hain. Buraai momin ki khaasiyat mein nahi hai. Musalmaan hamesha nek kaam karne ka paaband hota hai. Woh buraai se door rehta hai aur kisi ko nuqsan nahi pahochata. Chaahe woh insaan ho, jaanwar ho, ya darakht: woh kisi bhi cheez ko nuqsan nahi pahochata. Woh chaahta hai ke sab kuch Allāh ﷻ ki marzi ke mutabiq ho. Yeh momin ki khaasiyat hai.

Dusri taraf, kaafir hasad, jalan, ya dushmani ki wajah se buraai karne ki koshish karta hai. Isiliye Allāh ﷻ ne hudood muqarrar ki hain. Jo in hudood se aage guzarta hai, woh Allāh ﷻ ki narazgi ka haqdar hota hai. Jo shaks Allāh ﷻ ki narazgi ka haqdar hota hai, woh Allāh ﷻ ke mehboob logon mein nahi rehta. Tarīqat mein humaara maqsad yehi hai ke hum Allāh ﷻ aur humaare Rasool ṣallā Llāhu ‘alayhi wa-sallam ke mehboob ban jayein. Jaisa ke hum ne kaha, yeh hamesha nek kaam karne aur kisi ko nuqsan na pahochane se haasil hota hai. Yeh ibaadat bhi hai. Momin ki har haalat aur har kaam, jab tak ke woh Allāh ﷻ ki raza ke liye ho, ibaadat ke darje mein aata hai aur usay sawaab haasil hota hai. Uske har qadam par, har saans par sawaab likha jata hai.

Lehaza, Allāh ﷻ humein nek kaam karne ki taufeeq se mehroom na kare. Kuch log nek kaam karne se mehroom hokar buraai mein masroof hojate hain. Allāh ﷻ humein aise logon se mehfooz rakhe. Hum apne nafs ke peeche naa chalaye aur hum apni hudood se bahar naa niklein, InshaAllāh. Allāh ﷻ Ummat-e-Muhammad ko mehfooz rakhein.

Mawlana Shaykh Muhammad Adil ar-Rabbani

Wa min Allāhi t-Tawfīq. Al-Fātiḥa.

Mawlana Sheikh Muhammad Adil ar-Rabbani
06 July 2026/ 21 Muharram 1448
Fajr Namaaz– Akbaba Dergah, Istanbul